

In die SA Gemeente is dit vir ons belangrik om saam Bybel te lees!

Ons wil graag dié geloofsgewoonte ook by ons kinders vestig. Daarom is die materiaal vir ons kinderbediening só ontwerp om kinders vanaf 3 tot 14 jaar te begelei om aan die hand van ongeveer 120 Bybelverhale hulle geloof te ontwikkel. In die jaar daarna word dié proses afgerond gedurende hulle voorbereiding vir belydenisaflegging.

Die materiaal is só voorberei dat die Bybelverhale (een per week) oor 'n tydperk van drie jaar deurgelees word en wel in vier siklusse (3-5 jr; 6-8 jr; 9-11 jr en 12-14 jr). Elke verhaal word aangevul met 'n aktiwiteit vir elkeen van die ouderdomsfases. Die aktiwiteit is bedoel om kinders te help om die verhaal te geniet (3-5 jr); te herken (6-8 jr); te onthou (9-11 jr); en te verstaan / toe te pas (12-14 jr). Daar is 'n werkboek vir elke ouderdomsfase beskikbaar en die materiaal is in Afrikaans en Engels saamgestel. Die werkboek word elke Sondag tydens die byeenkomste van ons kinderbediening gebruik; ouers moet dus asseblief seker maak dat kinders hulle werkboeke gereeld saambring! Vir die weke wanneer daar nie erediens is nie, word ouers versoek om asseblief daardie week se materiaal as 'n gesinsbyeenkoms te hanteer. Wanneer daar wel erediens is, kan die verhaal natuurlik steeds in die week vooraf deur die gesin gelees word; die aktiwiteit sal egter op die Sondag tydens die kinderbediening se byeenkoms gedoen word. Die riglyne hier onder kan gebruik word vir byeenkomste van ons kinderbediening sowel as deur gesinne. Veral die persone wat help met die kinderbediening, word aangemoedig om vir die groepbyeenkomste addisionele materiaal by te werk (daar is heelwat op die internet beskikbaar!).

RIGLYNE VIR DIE BYEENKOMS

Lees: Hierdie is die belangrikste deel van die byeenkoms. Die verhaal kan meer as een keer gelees word. Dit kan ook in verskillende vorme (bv 'n Kinderbybel) en in verskillende vertalings gelees word. Spandeer asseblief genoeg tyd hieraan!

Gesels: Gesels saam oor die verhaal aan die hand van leidende vrae volgens ouderdomsgroepe, bv: Wat onthou julle van dit wat ons gelees het; hoe dink julle het van die karakters in die verhaal gevoel toe sekere goed met hulle gebeur; is daar iets wat julle nie verstaan nie (woorde of begrippe); wat kan ons leer uit die verhaal?


Doen: Elke kind doen (volgens ouderdom) die aktiwiteit in die werkboek.

Bid: Gee geleentheid vir meer as een persoon om 'n kort gebed te doen. Wees kreatief gebruik 'n gebede-boek of gedeeltes uit die Bybel, skryf saam 'n gebed wat julle dalk vir 'n aantal kere kan gebruik, sing 'n liedjie saam wat ook 'n gebed kan wees, ens.

Teen 'n gemiddelde tyd van 5 min per item, kan die gesprek binne 20 min afgehandel word, maar hopelik geniet julle dié gewoonte só baie dat julle graag meer tyd daaraan wil spandeer!

Petrus laat Jesus in die steek

Peter lets Jesus down



19 Maart 2023

6-8 Jaar

Markus 14:26-31

Petrus laat Jesus in die steek

Beantwoord die volgende vrae:

Waarheen het Jesus en die dissipels gegaan?

Wat het Jesus gesê, gaan gebeur?

Wat het Petrus gesê, sal hy doen?

Wat het die ander dissipels gesê, sal hulle doen?

19 March 2023

6-8 Year

Mark 14:26-31

Peter lets Jesus down

Answer the following questions:

Where did Jesus and the disciples go?

What did Jesus say is going to happen?

What did Peter say he will do?

What did the disciples say, they will do?

Petrus laat Jesus in die steek
Peter lets Jesus down

My opsomming van die teks

My summary of the text

Ek dink die boodskap van die teks is

I think the message of the text is

Ek dink die teks vra van my om

I think the text challenge me to

My gebed is

My prayer is

Jesus haal hier uit Sagaria 13:7 aan om te illustreer dat die skape (discipels) uitmekaar sal spat as die herder (Jesus) doodgemaak word. Jesus sal egter sy skape weer bymekaar maak nadat Hy opgestaan het uit die dood.

Jesus was quoting from Zechariah 13: 7 to illustrate that the sheep (disciples) would fall apart after the shepherd (Jesus) was killed. However, Jesus will reassemble his sheep when he rose from the dead.